

LII CONCURSO DE GAITAS DO PAÍS DE PONTEAREAS. 2019

O Concello de Ponteareas, no seu afán por promover e difundir a música tradicional galega, convoca para o vindeiro sábado 21 de setembro de 2019 a *LII EDICIÓN DO CONCURSO DE GAITAS DO PAÍS*, consolidándose coma a festa musical da súa especialidade máis antiga de Galiza e colocando Ponteareas como referente no panorama da música tradicional galega.

Bases:

1º.- Poderán participar no concurso todos os grupos de gaitas que toquen con instrumentos tradicionais galegos, sen modificación de ningún tipo.

2º.- Documentación a presentar:

-**Solicitud**. Modelo facilitado polo Departamento de Cultura Municipal ou na web do Concello,

-**Certificación da conta bancaria** ou Ficha de Terceiros, incluíndo o número de conta onde se ingresará o premio ou a gratificación.

A **inscrición** realizarase por **Rexistro de Entrada** do Concello de Ponteareas, ben presencial, electricamente ou a través de calquera das formas previstas no art. 16.4 da Lei 39/1995, de 1 de outubro, do procedemento administrativo común das administracións públicas (LPACAP), de forma gratuíta dende o día seguinte á publicación do Boletín oficial da Provincia de Pontevedra ata o día 06 de setembro de 2019.

É importante que cada grupo indique na inscrición o enderezo postal, o enderezo electrónico e número de teléfono de contacto. O día 13 de setembro, o Concello resolverá a listaxe de grupos admitidos no concurso, notificándollo a todos os inscritos.

3º.- O número máximo de grupos de gaitas participantes será de vinte (20), por rigorosa orde de entrada no rexistro xeral do Concello de Ponteareas. Farase unha lista de agarda por orde de inscrición para os casos de renuncia.

O día **18 de setembro** realizarase o **sorteo** en presenza do Secretario do Concello ou da persoa na que delegue.

As /os compoñentes dos grupos participantes non poderán participar na mesma edición do concurso formando parte de máis dunha banda.

4º.- Os instrumentos obrigatorios para concursar serán: dúas gaitas, un bombo e un tamboril. Non serán admitidos máis instrumentos dos

enumerados nin menos, debendo os participantes vestir o traxe tradicional galego completo.

5º.- Os grupos participantes estarán ás **16:30 horas da tarde do sábado, día 21 de setembro de 2019, diante do edificio da Casa do Concello** de Ponteareas e realizarán unha ruada interpretando melodías galegas ata o Auditorio na orde establecida no sorteo co do *LII CONCURSO DE GAITAS DO PAÍS* de Ponteareas.

6º.- Os grupos participantes interpretarán dúas pezas de libre elección que serán de raíz melódica galega. O tempo total das dúas pezas non superará os 8 minutos e non se admitirá a interpretación de suites nin de popurrís.

7º.- Permítese a afinación dos instrumentos musicais no escenario. Terminadas as interpretacións, o xurado resolverá ao seu criterio a clasificación dos grupos participantes. O xurado é competente para declarar deserto algún dos premios.

8º.- O xurado do *LII CONCURSO DE GAITAS DE DO PAÍS* de Ponteareas estará composto por recoñecidas/ os gaiteiras/os e personalidades do mundo da gaita e da música tradicional de Galiza

9º.- Para recoller o premio deberán subir ao escenario todos os compoñentes de cada un dos grupos clasificados nos catro primeiros postos, vestidos co traxe tradicional galego completo.

10º.- O *LII CONCURSO DE GAITAS DO PAÍS* de Ponteareas estará dotado dos seguintes premios:

- **1º PREMIO** **1.800,00 euros**
- **2º PREMIO** **1.200,00 euros**
- **3º PREMIO** **900,00 euros**
- **4º PREMIO** **600,00 euros**

O primeiro premio tamén obterá unha gaita de **Gaitas Gil** e un tamboril de **Sarín Percusión** doados por Artesanía de Galicia.

O crédito que se dispón para outorgar os premios e gratificacións será de 7.700,00 euros, con cargo ao orzamento vixente.

11º.- Os premios e gratificacións estarán suxeitos ás correspondentes retencións establecidas por lei

12º.- A participación nesta convocatoria implica a aceptación das normas recollidas nestas bases e a conformidade coas decisións da organización e do xurado, decisión que será inapelable, sen dereito a reclamación ou recurso ningún.

Ponteareas, asinado electronicamente,